

ՄԱՐԶԻ ԱՅԳՈՒՏ ՀԱՄԱՅՆՔԻ ԱՎԱԳԱՆՈՒ ԵՎ ՀԱՄԱՅՆՔԻ ՂԵԿԱՎԱՐԻ  
ԳՈՐԾՈՒՆԵՌԻԹՅԱՆ ՎԱՐՉԱԿԱՆ ԵՎ ՖԻՆԱՆՍԱԿԱՆ ՀՍԿՈՂՈՒԹՅԱՆ  
ԱՐԴՅՈՒՆՔՆԵՐԻ ՄԱՍԻՆ

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 77<sup>1</sup>, 77<sup>2</sup>, և 77<sup>3</sup> հոդվածների և Հայաստանի Հանրապետության Նախագահի 1997թ. մայիսի 6-ի ՆՀ-728 հրամանագրի 1.6 կետի դրույթներով

**որոշում եմ՝**

1. Առաջարկել մարզի Այգուտ համայնքի ղեկավարին՝
  - 1) համայնքի ավագանու նիստում հաստատել ավագանու կանոնակարգը և պետական գրանցման ենթարկելուց հետո դնել գործողության մեջ.
  - 2) մշակել, համայնքի ավագանու որոշմամբ, հաստատել և գործողության մեջ դնել համայնքի զարգացման ծրագիրը.
  - 3) «Իրավական ակտերի մասին» Հայաստանի Հանրապետության օրենքի 34-րդ հոդվածի դրույթներին համապատասխան պետական իրավական փորձաքննության և պետական գրանցման ներկայացնել ընդունված և ընդունվող նորմատիվ իրավական ակտերը.
  - 4) ընդունվող իրավական ակտերը վերնագրերով, իրավական տեխնիկայի կանոններով համապատասխանեցնել «Իրավական ակտերի մասին» Հայաստանի Հանրապետության օրենքի 37-րդ, 40-րդ և 41-րդ հոդվածների պահանջներին.
  - 5) համայնքի ղեկավարի աշխատակազմի առաջին կարգի մասնագետի /ծածկագիր՝ 3.2-1/ թափուր պաշտոնը համալրելու համար հայտարարել մրցույթ.
  - 6) համայնքային ծառայողների կադրային գործերի վարումն իրականացնել Հայաստանի Հանրապետության տարածքային կառավարման համակարգող նախարարի 2006թ. նոյեմբերի 7-ի թիվ 20-Ն հրամանով հաստատված կարգի պահանջներին համապատասխան.
  - 7) աշխատակազմի քարտուղարի կողմից 2010թ. համար իր գույքի և եկամուտների մասին հայտարարագիր չներկայացնելը, համաձայն «Համայնքային ծառայության մասին» Հայաստանի Հանրապետության օրենքի 33-րդ հոդվածի 1-ին կետի «բ» ենթակետի նրան պաշտոնից ազատելու հիմք է.
  - 8) հաշվապահական հաշվառումն իրականացնել «Հաշվապահական հաշվառման մասին» Հայաստանի Հանրապետության օրենքի պահանջներին համապատասխան, վարել գլխավոր գիրք, ծախսերը գրանցել հաշվապահական հաշիվներում, ճիշտ լրացնել հողի հարկի գանձումների անդորրագրերը.
  - 9) գնումներն իրականացնել «Գնումների մասին» Հայաստանի Հանրապետության օրենքի պահանջներին համապատասխան.
  - 10) սույն որոշմամբ ներկայացված առաջարկությունները քննարկել համայնքի ավագանու նիստում և ձեռնարկված միջոցների ու կատարված աշխատանքների մասին գրավոր տեղեկացնել մարզպետին մինչև ս/թ հուլիսի 25-ը:
2. Որոշման կատարման հսկողությունը վերապահել մարզպետարանի աշխատակազմի տեղական ինքնակառավարման և հանրապետական գործադիր մարմինների հարցերով վարչությանը:
3. Սույն որոշումն ուժի մեջ է ստորագրման պահից:

ՄԱՐԶՊԵՏ՝

Ն. ՊՈՂՈՍՅԱՆ